


Daga nu movt sátneljoddiheaddji:

Sáhtát vuoitit 10 000



10 000 ruvno sáhttá vuoitit go searvá dearvvašvuoda ja eallindili iskkadeapmái mii lea áibbas nuvtá. Dat lea ávkin alccesat, maŋisbohttiide, boahitevaš buolvvaide ja olles Sámi servodahkii. Dál lea iskkadeapmi ollen Guovdageidnu.

Dearvvašvuoda- ja eallindili iskkadeapmi lea ollen Guovdageidnu, nuppi suohkanii Finnmárkkus gos iskkadeapmi čađahuvvo. Anne Ragnhild Broderstad, gii leat UNN/universitehta doavttir ja dutki, muitala lea somá finadit amas suohkaniin, muhto ii leat álki boahitit dohko.

– Guovdageainnu suohkan lea issoras bures vuostái váldán min. Suohkan lea veahkehan sihke viesu gávdnat ja luoikan buriid bargiid midjiide ja mii leat nu

giitevaččat dan ovddas, lohká Broderstad. Son muitala prošavtta ulbmil lea buoridit máhtu ja dearvvašvuodadili Davvi-Norggas. Lea mávssolaš diehtit dan birra dakkár báikkiin gos sápmelaččat ja earát orrot, ja maid danne go sohkar- ja váibmodávda lea šaddan dábálaš dávdan dán áiggi, čilge Broderstad.

Hástala searvat

Guovdageainnus lei ge sátneljoddiheaddji Klemet Erland Hætta

vuosttaš olmmoš gii searvvai iskkadeapmái go su mielas lea dat mávssolaš. Son dajai iskkadeami rahpamis suohkanii lea dakkár gelbolašvuodta stuora riggodat. Iskkadeapmi addá eambo vuođu bidjat johtui dárbbaslaš doaimmaid suohkanis, oaivvilda sátneljoddiheaddji. Son hástala Guovdageainnu álbmoga searvat dasa vai ožžot buori bohtosa.

– Hásttán buohkaid searvat dasa. Mii vel buoret go nuvtá dearvvašvuoda iskosa oazžut ja dasa lassin vel sáhttá vuoitit 10 000 ruvno, lohká Klemet Erland Hætta.

Sáhttá boahitit go heive

Kristine Grønmo lohká sis lea hui stuora jáhkku Guovdageainn-

us servet oallugat dasa. Son čilge dat ii leat váralaš, sii isket varradeattu, váibmorávkima ja váldet varraiskosa. Mihtidit guhkkodaga ja čovve- ja spiralmihttu. Olmmoš ii dárbbas nuoladit. Sii leat sámeielagat ja sii sáhttet maid veahkehit deavdit skovi.

– Jus ii heive juste mearriduvvon diimmu boahitit de sáhttet beare boahitit deike. Disdagaid lea guhkit rabas, 18:00 rádjái. Lávordagaid njukčamánu 9. ja 16. beaivvi lea rabas logis guovtti rádjái, muitala Grønmo.

Karen Anna Buljo
karenanna@avvir.no